

خَطِ پُولُسِ بَلَدِه تَيْتُسِ

پيشگفتار

امی خط ره پُولُسِ بَلَدِه تَيْتُسِ نوښته كده. تَيْتُسِ يگ ايماندارِ غَيْرِ يَهُودِ و همكار و دوستِ پُولُسِ بُوَد كه دَ اعلانِ كدوڼِ خوشخبري اُو ره كومك موكد. پُولُسِ رهبري جماعتِ ايمانداراي جزيره كريت ره دَ عَهْدِه تَيْتُسِ ايشتُد.

پُولُسِ دَ امزي خطِ سِه مقصدِ خاصِ دَرِه:

فهرستِ عنوانها

دُعا و سلام (فصلِ ۱ آيه ۱)

وْظِيْفِه تَيْتُسِ (۱:۵)

تعليماتِ دُرُستِ بَلَدِه ايماندارا (۱:۲)

رفتارِ ايماندارا (۱:۳)

هدايتِ هايِ آخري (۱۰:۳)

۱ از طرفِ پوئس، غُلامِ خُدا و رُسولِ عیسیٰ مسیح. ما بَلَدِه تَقْوِیَه اِیْمَانِ اِنْتِخَابِ شُدِه
 های خُدا و بَلَدِه بِيانِ امزُو حَقِیْقَتِ کِه دَ خُدا پَرَسْتی و جُودِ دَرِه، رِبی شُدیم. ۲ اِی حَقِیْقَتِ
 بَلَدِه زِنْدَگِی اَبَدِی اُمید مِیْدیِه، چُون خُدا کِه دَرِوَعِ نَمُوگِه، و عِدِه زِنْدَگِی اَبَدِی رِه پِیْشِ از
 شُرُوعِ دُنیا دَز مودِد. ۳ اُو کلامِ خُو رِه دَ وختِ مُعینِ بَرَمَلَا کِد. اَرِه، تَبْلِیغِ کِدُونِ امزِی کلامِ
 دَ حُکْمِ خُدا کِه نِجَاتِ دِهِنْدِه مَو اَسْتِه دَ عُهْدِه اَز مِه اِیْشْتِه شُد. ۴ بَلَدِه تِیْتُس باچِه حَقِیْقِی مِه
 دَ وِسیلِه اِیْمَانِی کِه هَر دُوی مَو دَزُو شَرِیکِ اَسْتی: فِیْضِ و سِلامَتِی از طرفِ اَتِه مَو خُدا و
 نِجَاتِ دِهِنْدِه مَو مَسِیْحِ عِیْسِی نَصِیْبِ تُو شُنِه.

وَضِیْفِه تِیْتُس

۵ تُو رِه امزِی خَاطِرِ دَ جَزیره کَرِیتِ اِیْشْتُم تَاکِه کَارایِ باقی مَنْدِه رِه پِیْشِ بُرْدِه نَظْمِ رِه بَرقرار
 کنی، یَعْنی اُمُو رَقْمِ کِه بَلَدِه تُو دَسْتُورِ دَدِه بُوْدُم، دَ هَر شَارِ دَ بَیْنِ اِیْمَانْدَارا رَهْبِرا رِه تَعیینِ
 کُو. ۶ هَر کُدَمِ ازوا بایْدِ شَخْصِ بَے عِیْبِ، تَنها شُوی یِگِ خَاْتُو و صَاْحِبِ بَچِکِیچایِ اِیْمَانْدَار
 بَشِه و اُمُو بَچِکِیچا دَ بَے بِنْدو باری و سِرکشی مِلامَتِ نَشُدِه بَشِه. ۷ سِرپرَسْتِ جَماعتِ بایْدِ
 شَخْصِ بَے عِیْبِ بَشِه، چِرَاکِه مَسْئُولِ کَارِ خُدا یِه. اُو بایْدِ خُودخَاه و تَنْدَخُوی، شَرابخُور و
 جَنگرِه نَبَشِه و نَه اَمِ دَ پُشْتِ فایْدِه حَرَامِ بَگَرْدِه، ۸ بَلکِه بایْدِ مِهْمُونَواز، خَیرخَاه، خِرَدَمَنْدِ،

عادل، پاک و خوددار بشه. ^۹ او امچنان باید کلام ره که قابل اعتماد و د مطابقت تعليمات دُرست آسته، محکم بگيره. دَمزی رقم او مینته ديگرو ره قد تعليم صحيح-و-سالم تشويق کُنه و مخالفتين ره رد کُنه.

^{۱۰} چون آدمای سرکش، ايله گوی و فريبکار کلو يه، خصوصاً از جمله پيروای ختنه.

^{۱۱} لازمه که دان ازوا بسته شنه، چراکه اونا بلده فايده حرام اوطور تعليم ميديه که نبايد

دده شنه و دَمزی طريقه کلو خانواده ها ره تباه مونه. ^{۱۲} یکی از پيغمبرای کريتي که از بين خودون شی بود، گفته:

”مردم کريت همیشه دروغگوی، جانورای درنده و گوره دوستای ثمبل آسته.“

^{۱۳} ای توره حقيقت دَره. امزی خاطر اونا ره سخت سرزنش کو تاکه ايمان ازوا سالم بشه

^{۱۴} و اونا د آوسانه های يهودی و د احکام مردمی که حقيقت ره رد مونه گوش نديه.

^{۱۵} بلده آدمای پاک هر چیز پاک آسته، مگم بلده کسای که نجس و بے ايمان آسته، هيچ

چیز ام پاک نييه، چون ام فکر ازوا فاسد آسته و ام وجدان شی. ^{۱۶} اونا ادعا مونه که خدا

ره مينخشه، مگم اعمال و کردار ازوا ثابت مونه که اونا خدا ره انکار مونه. اونا زشت و

نافرمان آسته و بلده هيچ عمل نیک بَدرد نَمُوخوره.

۲ لیکن تُو اینمی چیزی ره که دَ مُطابِقِ تَعْلیمِ دُرُستِ اَسْتِه، یادِ بَدی: ۲ مَرْدایِ پیرِ باید خوددار، سَنگین و خِرَدَمَند بَشِه و دَ ايمان و مُحَبَّت و پایداری رفتارِ سَالِمِ دَشْتِه بَشِه. ۳ امی رقم خاتونوی پیر دَ اِحْتِرامِ رفتارِ کُنه، بَدگوییِ نَکُنه و مُعْتادِ شرابِ نَبَشِه، بلکه چیزای ره تعلیمِ بَدیه که خُوب-و-نیکِ اَسْتِه، ۴ تا که دَ خاتونوی جوانترِ یادِ بَدیه که اونا شوی و بچکِیچای خُو ره دوستِ دَشْتِه بَشِه ۵ و خِرَدَمَند، پاکِ دامو، مَصْرُوفِ دَ کارایِ خانه، مِهْرَبو و تابعِ دَ شُوبونِ خُو بَشِه، تا هیچ کس دَ بارِه کلامِ خُدا بَدگوییِ نَکُنه. ۶ امی رقم مَرْدایِ جوان ره نَصیحَتِ کُو که فِکْرِ سَالِمِ دَشْتِه بَشِه. ۷ دَ هر چیزِ خودِ ره یگِ نَمُونِه اَعْمالِ نیکِ جورِ کُو، یعنی دَ تَعْلیمِ خُو دُرُست و اَبْرُومَند بَش، ۸ و تورایِ سَالِمِ و بے عیبِ بُگی که قابلِ اِنْتِقادِ نَبَشِه و شَخْصِ مُخَالِفِ، ازی که بَلَدِه بَدِ گُفتونِ مو کُدمِ دَلیلِ نَدَرِه، شَرْمِنْدِه مَوْشِه.

۹ غلاما باید دَ هر کار از اَرَبابایِ خُو اِطاعَتِ کُنه و رِضایَتِ ازوا ره بَدُونِ گُفتوگویِ حاصِلِ کُنه. ۱۰ اونا باید چیزی ره بَلَدِه خُو دُزی نَکُنه، بلکه کَامِلاً صَادِقِ و دُرُستکارِ بَشِه تا تَعْلیمِ نِجاتِ دِهِنْدِه مو خُدا، جَلْبِ تَوَجُّهِ شُنِه. ۱۱ چُونِ فِیضِ نِجاتِ بَخْشِ خُدا، بَلَدِه پَگِ مَرْدُمِ ظاهِرِ شُدِه. ۱۲ و اینمی حَقِیْقَتِ مو ره تَشْوِیْقِ مُونِه که بے دِینی و خَاهِشَاتِ دُنْیاییِ ره ایلِه کُنی و دَ خِرَدَمَندی، صِدَاقَتِ و خُداپَرستِی دَ ای دُنْیا زِنْدَگیِ کُنی، ۱۳ و چِیمِ دَ راهِ اُمیدِ پُرْبَرِکتِ، یعنی ظُهْورِ پُرْجَلالِ خُدایِ بُرْزَگِ و نِجاتِ دِهِنْدِه مو عِیْسِی مَسِیحِ بَشِی. ۱۴ اُو

خود ره بلده ازمو فدا کد تاکه مو ره از هر رقم شرارت آزاد کُنه. خاهش ازو اینمی بُود که مو ره پاک کده بحیث یگ مِلتِ خاص قبول کُنه که مو کاملاً عاشقِ نیکوکاری بشی. ^{۱۵} ای تورا ره دَ مردم بگی و قد اختیارِ کامل اونا ره نصیحت کده سرزنش-و-اصلاح کُو. نه ایل که یگو کس تُو ره بے اهمیت حساب کُنه.

رفتارِ ایماندارا

^۳ دزوا یاد آوری کُو که از حکمرانا و مقاماتِ دولتِ اطاعت کُنه و از آیدِ ازوا شُده بلده هر کارِ نیک تیار بشه. ^۲ اونا باید دَ باره هیچ کس بدگویی نکُنه، بلکه از جنجال-و-نزاع دُوری کده قد هر کس مُلایم و نرم رفتار کُنه. ^۳ چُون خود مو ام یگ زمان نادو، نافرمو، گمراه و بنده های شهوت و عیاشی ها بُودی و روزای خُو ره دَ حسادت و کینه جویی تیر مُوکدی. دیگر و از مو بد شی میمد و مو ازوا بد مُوبردی. ^۴ مگم وختیکه مهربانی و مُحبتِ خُدا، نجات دهنده مو ظاهر شد، ^۵ او مو ره نه از خاطر اعمالِ نیک مو، بلکه بخاطرِ رحمتِ خود خُو نجات دَد و دَ وسیله غُسلِ تولدِ نو از طریقِ روحِ اَلْقُدس تازه کد. ^۶ خُدا امی روحِ اَلْقُدس ره تَوْسَطِ نجات دهنده مو عیسیٰ مسیح، سَخاوتَمندانه دَز مو بخشید، ^۷ تاکه دَ واسطه فیضِ ازو، عادل حساب شنی و دَ امیدِ کامل وارثِ زندگی اَبَدی شنی. ^۸ ای توره کاملاً دُرست آسته، امزی خاطر از تُو میخایم که دَ باره امزی چیزا حتماً تاکید کُنی تا او کسای که دَ خُدا ایمان اُورده، دایم دَ کارای نیک مصروف بشه. اینمی

چیزا بلده مردم خوب و فایدمند آسته. ^۹ از بحث های پوچ، شجره نامه ها، اختلاف نظر و جنگ لفظی د باره شریعت دوری کو، چراکه ای چیزا بے فایده و باطل آسته.

هدایت های آخری

^{۱۰} آدم نفاق انداز ره یگ یا دو بار نصیحت کو و اگه گوش نکد، دیگه دز شی کار نداشته بش، ^{۱۱} چون میدنی که او گمراه شده و خود خو ره د راه گناه محکوم مونه. ^{۱۲} وختیکه آرتیماس و یا تیخیکاس ره د دیر از تو ری موم، کوشش کو زودتر د شار نیکوپولس د پالوی مه بییی، چون تصمیم گرفتتم که زمستو ره د اونجی تیر کنم. ^{۱۳} د آماده کدون زیناس وکیل و اپلوس بلده سفر شی، اونا ره از حد کلو کومک کو، تاکه د هیچ چیز محتاج نبشه. ^{۱۴} برارو د بین ازمو باید یاد بگیره که چی رقم خود ره د کارای نیک مصروف کنه تاکه ضرورت های اولیه ره پوره کنه و خودون شی بے ثمر نمنه. ^{۱۵} کسای که قد ازمه آسته، پگ شی سلام های خو ره میرسنه. د او کسای که مو ره از خاطر ایمان دوست دره، دزوا ام سلام برسن. فیض و سلامتی نصیب پگ شمو شنه. آمین.